

傳授三皈五戒儀規

香港觀宗寺敬印

一、
請師

二、香讚

性覺靈明 寂照真常 昔迷今悟路堂堂

三寶是慈航 一瓣心香 皈禮法中王

南無香雲蓋菩薩摩訶薩 南無香雲蓋菩薩摩訶薩

南無香雲蓋菩薩摩訶薩

三、求受皈依

引禮師云

善男子善女人等。聞磬聲。至誠頂禮三拜。長跪

受戒者向上跪下。引禮師續云。

合掌

受戒者各合掌。至心靜聽。維那師云

夫宅中寶藏。非指示而莫曉。衣裏明珠。必解說而方知。若不依僧。安能聞法。苟非佛法。無以出塵。今居士等身處世俗。念欲歸真。理須求請明師。乞受淨法。我今為汝恭請某堂上某和尚。為汝作三皈本師。請師之語。汝合自陳。恐汝未能。我今教汝。

稱自己法名。○○

維那師續云各人法名

其餘言詞。皆隨我道。

大眾隨維那師唱

大德。一心念我弟子○○○（各人法名）今請大德為三皈
本師。願大德為我作三皈本師。我依大德故。得受清
淨戒。慈愍故。

三請。每一請一叩首。第三請。慈字上。加「大」字。

四、開導

和尚鳴尺云

善男子善女人等。汝等既已殷勤申請。可爾為汝作三皈本師。所有言詞。聽我開導。

原夫佛未禦宇，邪師說法，言皆是妄。法不契理，盲引癡愚，欲升反墜。佛出世間，如杲日麗天，群昏灼破；皓月當空，諸有清涼。誠反邪歸正之導師，與樂拔苦之慈父。良以一切智，窮徹因果，若性若相，靡

不實知。兩足尊，圓滿福慧，若折若攝，無非利物。自佛始證無上菩提，初游波羅奈國，耶輸伽父，信受三皈。教源肇起於西天，法水漫流於東土。直至於今，在家二眾，咸沾恩澤。汝等欲受三皈者，准律所明，共有五種三皈：一、翻邪三皈；二、五戒三皈；三、八戒三皈；四、十戒三皈；五、具足戒三皈。然今所受，是第一種三皈也。複於所皈三寶，而有住持一體之別。若不知之，恐執相昧理，偏理廢相。是故我今先為示明：所言住持三寶者，如來出世，夜觀明星，樹王得道，是為佛寶；依一實相，說四諦法，是為法寶；初度陳如五人，召善來比丘，是為僧寶。佛滅度

後，以刻鑄圖繪如來遺像，是為佛寶；貝葉黃卷，三藏聖教，是為法寶；剃髮染衣，嚴淨毗尼，紹弘佛化，是為僧寶。所言一體三寶者，以一實相慧，覺了諸法，非空非有，亦空亦有，雙忘雙照，三智圓覺，是自性佛寶；所覺法性之理，三諦具足，是自性法寶；此覺慧與理事和合，是自性僧寶。而住持一體，悉稱寶者，不為世法之所侵凌故，不為煩惱之所染汙故。

所言皈依者，顯宗論云，救濟之義。以皈依三寶，能息無邊生死苦輪，遠離一切大怖畏故。須知，舍住持三寶，別無一體三寶，離一體三寶，更無住持三寶。

住持是相，相即性中之相；一體是性，性即相中之性。性如鏡面，相如影像，鏡裡觀花，花不離鏡；水中望月，月不在水。亦真亦假，如夢如幻；真空不空，妙有非有，性相一如，二而不二。迷之者，流轉生死；悟之者，成等正覺。

汝今既能深信皈依住持三寶，則本有一體三寶，法爾具足。如是性相不乖，理事雙明，方為真正受三皈者。汝等已諦聞我語，能一一信解否。

受皈依者應即回答云：

能解。

汝既能解，能一一如法受持否。

受皈依者應回答云：

能如法受持。

五、請聖

和尚鳴尺云

善男子善女人等，汝等既能如法受持三皈者，應當先請十方三寶，以為依怙之尊。次屈一切萬靈，而作鎮嚴之主。汝等起立合掌，至心作觀，隨我啟請。各人稱自己法名。

受皈依者各人稱自己法名

和尚起座。拈香作觀舉請。大眾起立。同音一齊唱和。其受戒者每一請畢。作禮一拜。如下准此。

香花迎。香花請。弟子○○○(各人法名)一心奉請

娑婆教主本師釋迦牟尼佛。西方接引阿彌陀佛。當
來下生彌勒尊佛。盡虛空徧法界。一切諸佛。惟願
不違本誓。慈光攝照。證明受皈。

三請下同

三請下同

香花迎。香花請。弟子○○○(各人法名)一心奉請

大小二乘毗尼律藏。五篇三聚。解脫木叉。十二分
經。權實教典。離欲真淨。甚深法寶。謹運一心。
皈命頂禮。

香花迎。香花請。弟子○○○(各人法名)一心奉請

觀音勢至。文殊。普賢。清淨海眾。諸大菩薩。律藏會上優波離尊者。西天東土歷代祖師。傳南山宗諸大律師。中興律祖慧雲馨公大和尚。開元堂上^上定^下然老和尚。惟願不違本誓。慈光攝照。證盟受皈。

香花迎。香花請。○○○（各人法名）一心奉請

光明會上。寄位諸天。梵釋四王。天龍八部。伽藍土地。護戒神王。金剛力士。幽顯靈祇。惟願不違本誓。監壇護戒。

如是一一三請畢。和尚復座而坐。引禮呼彼受戒者。仍再長跪合掌而聽。

六、懺悔

和尚鳴尺云

上來迎請三寶證明。今則三寶慈光，攝照汝等。竊恐曠劫至今，造諸惡業，障閉心源，不堪納受。是故汝等，應對三寶前，生大慚愧，生大怖畏。思地獄苦，發菩提心，求哀懺悔。稱自己名，

各稱自己法名○○○（各人法名）

隨我言詞一一自說。

待和尚舉二句。(惟起首係三句)引禮教各求皈依者說二句。每二句畢。聞磬聲就跪一叩首。俟和尚唱第一句畢時。聞磬聲。就跪起身。

惟並不起立。務須至誠懇切。其罪可以懺除。若不至誠。言拜無益。須三伸懺悔。

我弟子○○○(各人法名)

從於無始 以至今生 (大眾唱完此名拜下)

毀破三寶 作一闡提 (大眾唱完此名拜下)

謗大乘經 斷學般若 (和尚唱完此句大眾起身)

弑害父母 出佛身血

污僧伽藍 破他梵行

焚毀塔寺
起諸邪見
狎近惡友
自作教他
如是等罪
故於今日
克誠披露
惟願三寶
放淨光明

盜用僧物
撥無因果
違背良師
見聞隨喜
無量無邊
生大慚愧
求哀懺悔
慈悲攝受
照觸我身

諸惡消滅

三障蠲除

復本心源

究竟清淨

以上唱和三遍

南無普賢王菩薩摩訶薩（三稱）

七、受皈（法師開示）

汝等對三寶前懺悔已竟，罪業必定消除，身心自然清淨。汝當外托事儀，內明理觀，而起廣大慈護之心，遍緣一切情非情境。於此境上，誓願斷惡修善，利濟眾生。心境緣覽，系法於心。心法和合，名曰三皈體。

皈依之語，汝合自陳。恐汝未能，應隨我語，端身合掌，至心皈依。

和尚教說一遍。

我○○○（各人法名）

盡形壽皈依佛。

盡形壽皈依法。

盡形壽皈依僧。

如是三番皈依。一二三叩首。

和尚鳴尺云

上來三皈。正是納體於心。更加三結。得法圓滿。謂之三番羯磨。汝當至心。隨我語道。

和尚教說一遍。求戒者各自說一遍。

我○○○（各人法名）皈依佛竟。寧捨身命。終不皈依自
在天魔等。皈依如來至真等正覺。是我世尊。慈愍
故。

如是三番語畢。一一三叩首。下皆准此。

我○○○（各人法名）皈依法竟。寧捨身命。終不皈依外
道典籍。皈依如來所說十二部一切經典。是我所

尊。慈愍故。

我○○○（各人法名）皈依僧竟。寧捨身命。終不皈依外道邪眾。皈依清淨福田僧。是我所尊。慈愍故。

八、發願

善男子！汝等既皈依三寶，已獲本體，則心有所皈，身有所依。當起妙用，發大誓願。所言妙用大願者，應觀苦、集、滅、道四諦，而發四弘誓願：一觀三界九有一切眾生，未度苦諦三苦八苦，無量諸苦，迷真逐妄，不思出離。是故汝今發願，度盡眾生。二觀三界九有一切眾生，未解集諦，十使、見思、五住

等惑，纏縛不脫，隨業報生。是故汝今發願，斷盡煩惱。三觀三界九有一切眾生，未安道諦。戒定般若，十二部經。無熏聞思，不知修學。是故汝今發願，勤學法門。四觀三界九有一切眾生，未得滅諦。迷覺體者，不信佛心；悟覺體者，分證未圓。是故汝今發願，必成佛道。汝今既知觀境發願，當以慧照現前。隨我語言，至心合掌。恭對三寶前，發四弘誓願。

和尚說一句，受皈者複一句。四句畢，一叩首。共三遍。

眾生無邊誓願度。

煩惱無盡誓願斷。

法門無量誓願學。

佛道無上誓願成。

九、顯益勸囑

善男子等，汝今已發四弘誓願，則智為先導。但堅信行，有願必從。汝雖身同世俗，心是菩薩。所獲功德，不可思議。校量功德經云：若三千大千世界，滿中如來，如稻麻竹葦。人以四事供養，滿二萬歲。諸佛滅後，各起塔廟，復以香花種種供養。其福雖多，不如有人以純淨心，皈依三寶所得功德。汝今當生大

歡喜，生稀有想。愈增深信，愈堅弘願。出煩惱淵，至菩提岸。即今所受三皈，以為出世正因。慎勿退失，謹守修行。汝能依教奉行否？

受皈依者應答云

答：能依教奉行

十、受五戒者開導

和尚鳴尺云

善男子。汝等既已三皈。可為汝傳授五戒。所有言詞。聽我開導。

夫戒者。生善滅惡之基本。超凡入聖之種子。纔登戒品。便絕輪迴。受持不昧於初心。始終無犯。慈護謹防於微念。止作雙持。三乘道果以躋登。五分法身而克證。吾佛世尊開方便門。戒例多品。初唱三皈。次伸五戒。乃依五戒。增入十具。因託十具。三聚重宣良由修道階。次心行非一。皆由淺以至深。從微而及

顯。究竟歸元。本無二三。善男子。汝今欲求稟受優婆塞。優婆夷。三皈五戒者。應先了知名德行相。體用之義。庶幾心境相應。授受如律。若不知者。雖已僥倖。但獲少益。是故我今先為語汝。梵語優婆塞。此云近事男。梵語優婆夷。此云近事女。謂親近三寶廣修眾善。承事供養。植種福田故。三皈者。以佛法僧三寶。具足無量真淨功德。能息眾生無邊生死苦輪。遠離大怖畏故。其始修心。則依佛法僧受三皈。然此三皈。如君子之三畏也。五戒者。謂斷殺、盜、邪淫、

妄語、飲酒、此五名曰學處。是近事者。所應學故。又名學迹。若有遊此。便昇大智慧殿故。又名徑路。一切律儀。妙行善法。皆得轉故。又名學本。諸所應學。此為本故。又名五大施。謂以攝取無量眾生故。以能增長種種功德故。而斯五戒。在天謂之五星。在地謂之五行。在山謂之五嶽。在人謂之五臟。在國謂之五刑。在儒謂之五常。以仁者不殺害。義者不盜取。禮者不邪淫。智者不醉飲。信者不妄語。五戒若全。則不求仁而仁著。不忻義而義敷。不祈禮而禮立。不

行智而智明。不慕信而信揚。所謂振綱提網。復何功以加之。若百家之鄉。十人持五戒。則十人淳謹。百人修十善。則百人和睦。傳此風教。徧於宇內。則仁人百萬。夫能行一善則去一惡。能去一惡則息一刑。一刑息於家。百刑息於國。其為元首者。則不治而坐太平矣。所以受持五戒。不仁欽遵佛制。報感樂果。抑且冥助王化。益補邦家。斯乃三皈五戒之名德行相也。體用者。體戒之當體。依本具理體而發。用謂行持力用。依所發戒體而行。然五戒以三皈為體。其正

秉受三皈之時。當起殷重慈護大悲心。徧緣一切情與非情境。境從心現。心外無境。此境非有表色。即是一切塵境之體。亦即得戒之因。若未緣想領受已前。與己無繫。發心緣想之後。恆依自心。而戒法為能依。心是所依。心法不一不異。名曰戒體已。任運止惡。任運修善。名曰力用。

汝今詳聞了解。果能依教奉行否。

求戒者同答

能依教奉行

十一、問遮難

和尚鳴尺云

善男子。汝懺悔往業既竟。我依善生經。先問七種遮障已。方可為汝受戒。其中有無。不可覆藏。一實答。稱自己名○○○

（求戒者各稱自己法名）和尚問云

第一。汝曾盜現前僧物否。

若無當答無。若有當答有。下皆准此。

第二。汝曾於六親男女中行淫否。

第三。汝曾污破僧尼梵行否。

第四。汝曾於父有病時。捨去不顧否。

第五。汝曾於母有病時。捨去不顧否。

第六。汝曾於師長有病時。捨去不顧否。

第七。汝曾殺害發菩提心眾生否。

十二、宣戒相

善男子。受三皈竟。汝已得戒體。再為宣五戒相。以便護持。一切經教。莫不深讚戒者。良由三界眾生。往來五道。所謂天、人、畜生、餓鬼、地獄、全五戒則人相具足。滿十善則天報恆隨。反斯二種。則三途出歿。萬苦交加。一戒二戒尚得人身。壽夭高卑。由戒多少。汝今若能全持五戒。謂之滿分優婆塞。若持四戒。謂之多分優婆塞。若持三戒。謂之半分優婆塞。若持二戒。謂之少分優婆塞。若持一戒。謂之一分優婆塞。是故先問決定。

次與受之。汝今果能受持幾分優婆塞戒。求戒者如各受滿分。應各答云。

能受持滿分

求戒者如謹受多半分。半分。少分。一分者。應各照改答。

「能受持○分」四戒為多分。三戒為半分。二戒為少分。一戒為一分。

和尚云

既能受滿分戒者。稱自己名。

求戒者各稱自己法名○○○（各人法名）

和尚續云

汝隨我語。一一受持。

若彼或答多分。半分。少分。一分。應隨彼能持者而與受之。勿自強為多。受能持一戒。功德有歸。若犯一戒，苦報難遣。世尊律制如斯。授受師當稱量。

和尚問云

第一 不殺生。是優婆塞優婆夷戒。汝盡形壽能持

否。求戒者應答云。

能持。

第二 不偷盜。是優婆塞優婆夷戒。汝盡形壽能持

否。求戒者應答云。

能持。

和尚問云

第三 不邪淫。是優婆塞優婆夷戒。汝盡形壽能持

否。求戒者應答云。

能持。

和尚問云

第四 不妄語。是優婆塞優婆夷戒。汝盡形壽能持

否。求戒者應答云。

能持。

和尚問云

第五 不飲酒。是優婆塞優婆夷戒。汝盡形壽能持

否。求戒者應答云。

能持。

和尚問云

第一不殺生。乃至第五不飲酒。是優婆塞優婆夷戒。汝於中一一戒能持否。求戒者應答云。能持。

汝今既受持滿分優婆塞優婆夷戒者。佛制令汝畜禮懺衣。然衣而名禮懺者。唯聽作諸佛事。懺悔之時披著。除是以外。一切時中。若往來城邑。出入市里。皆不得著。若詣庵寺。當以囊盛隨行。如在家宅。可以掛置淨處。須知出家五眾之衣。若離身名犯。是故應當恆著。在家二眾之衣。若恆著名犯。

是故應當離身。汝今知之。能奉行否。

求戒者應答云

能依教奉行。

和尚云

既依教奉行。引禮大德。可將縵衣。令彼著身。口中誦偈。

劃論開披著。口中教誦偈云。

善哉解脫服

盃吒禮懺衣

我今頂戴受

世世常得披

展具之儀如常。不必誦偈。待披衣訖。引禮呼云撩衣。頂禮三拜。仍復長跪合掌。若無衣受居家五戒皆得。非同出家五眾。若借衣或無衣。不允稟受。必要先當備具。

十三、發願

和尚鳴尺云

善男子諦聽。阿含經云。設有善男子。善女人。不發願而持戒者。得少許福田。此謂行願相資。方成

妙用。若修福業而無願者。譬若五彩巧繪。文錦雖佳。不以膠和。終不堪久。亦如陶家瓦器。坯質已就。不經火煨。終不堪用。是故我今授汝三皈五戒。當教發願。汝應至心合掌。隨我言詞。對十方三寶。發其誓願。

待和尚道一句。彼依言說一句。至終方叩一首。

我○○○（各人法名）至心發願。願此五戒功德。不墮三途八難。持此功德。惠施法界一切眾生。皆發菩提心。同生極樂國。花開見佛。得聞佛乘。悟無生

忍。證不退位。還入娑婆。化諸有情。親覲彌陀。
永斷生死。

如是三之發願。三叩首。此淮南山受五戒發願。義所宗阿含經。但今所願。

唯在淨土。

十四、勸囑

和尚鳴尺云

善男子。發願既畢。我今略示汝五戒功德。汝當諦

聽。善生經云。若人受三皈五戒。所得果報。不可窮盡。如四大寶藏。舉國人民。七年之中。運出。不盡。受五戒者。二乘果。盡形供養。乃至起塔。不如男子女人受持五戒。所得功德不可思議。以諸福中。三寶勝故。汝今受持。已得如是功德。應當珍敬守護。所言護者。如人護一目。如王護獨子。如渡護浮囊。如敵護城郭。若於此五戒中。犯其前四重者。更不得增進餘戒。更不能生長善法。佛法戒海。雖然廣大。普攝一切眾生。唯不攝破戒之人。

猶若死屍。海水不容。汝切不可負優婆塞優婆夷之名行。宜當遵調御師之制言。汝能如是守護奉行否。求戒者應答云
依教奉持。

十五、迴向

和尚鳴尺一下。合掌云。

授戒圓滿。大眾同音。念佛迴向。

維那師舉腔。大眾同和。

西方極樂世界大慈大悲阿彌陀佛
南無阿彌陀佛

念佛將終時。和尚起身下座。至中位。唱迴向偈。和尚唱一句頂禮一拜。受
皈依者接唱次句。頂禮一拜。末句共問訊。畢。

和尚唱

和尚拜

皈戒功德
殊勝行

大眾唱

和尚起

大眾拜

無邊勝福
皆迴向

和尚唱

大眾起

和尚拜

普願沈溺

諸有情

大眾唱

和尚起

大眾拜

速往無量

光佛刹

和尚唱

大眾起

和尚拜

十方三世

一切佛

大眾唱

和尚起

大眾拜後即起

諸尊菩薩

摩訶薩

和尚及大眾合唱

問訊

摩訶般若

波羅密

引禮師呼

禮謝和尚頂禮三拜

受戒者。各向上頂禮三拜。引禮師續云。

禮謝各執事師頂禮一拜

受戒者。各向上頂禮一拜。禮畢。送和尚回方丈。